

Q. D. B. V.

Differtatio Medica Inauguralis

DE

INFLAMMATI- ONE VENTRICULI,

quam

IN ALMA REGIA FRIDERICIANA

RECTORE MAGNIFICENTISSIMO,

SERENISSIMO PRINCIPE AC DOMINO,

DN. PHILIPPO WILHELMO,

PORVSSIAE PRINCIPE, CETERA,

REGIS SUPREMO CASTRORVM PRAEFECTO,

ATQVE DVCATVS HVIVS VICARIO,

Sub PRÆSIDIO

MAGNIFICI ACADEMIÆ PRORECTORIS,

DN. FRIDERICI HOFFMANNI,

Med.D. Ejusd. & Philos. Nat. Prof. P. Ordinarii,

Potentiss. Regis Boruss. Consilarii & Archiatri,

h. t. Decani Spectatissimi,

PRO GRADU DOCTORALI

Ad d. Decembr. MDCCVI. H. L. Q. C.

publicæ Eruditorum disquisitioni exponet

M. CHRIST. FRANCISCUS ENGEL,

Lipsiensis Mif n ica .

Typis CHRISTOPHORI ANDRÆ ZEITLERI, Acad. Typ.

VIRIS
MAGNIFICOL, NOBILISSIMIS, AMPLISSIMIS
atque **EXCELLENTISSIMIS,**

DN. JOHANNI BOHNIO,
Phil. & Med. Doct. famigeratissimo, The-
rapeut. Prof. Publ. longe celeberrimo, Facult. Med.
Decano Spectatissimo, Decem-Viro, Physico Lipsiensi gra-
visimo ac utriusq; Collegii Collegiato meri-
tissimo,

**DN. CHRISTIANO LUDO-
VICO VVELSCHIO,**
Phil. & Med. Doctori celeberrimo, Facult.
Med. Assessori gravissimo atque Practico
Lipsiensi felicissimo,

**DN. ERNESTO MICHAELI
ETTMULLERO,**
Phil. & Med. Doct. celeberrimo, Prof. Ex-
traordinar. famigeratissimo atque Practico
Lipsiensi felicissimo,

**DOMINIS PRÆCEPTORI, PATRONIS, FAU-
TORIBUS AC PATRONIS**
æternum devenerandis



DISPUT. MEDICA INAUGURALIS
DE
INFLAMMATIONE VENTRICULI.

PRÆFATIO.



Principum partium morbos vel omnino exitiales vel ad curandum difficillimos esse, unum est ex publicis in medicina confessis & jam dudum in veteriorum scriptis celebratum. Jam vero ex omnibus corporis nostri partibus nullæ majoris sunt momenti, nullæ majorem merentur considerationem, quam quæ sensuum ac motionū sunt instrumenta, quibus anima proxime utitur, quales sunt nerveo-membranosæ. Principatum vero ex hisce merito obtinet ventriculus ex membranis nerveo-fibrosis totus compositus, qui non modo exquisitissima sensatione pollet, sed & motu gaudet contractorio & dilatorio, qui dici consuevit peristalticus. Et quoniam ob nervorum copiam hæc perquam nobilis pars fere cum toto corpore accuratam habet consensionem & præter hæc succis & fluoribus corporis nostri commodam ad vitam præbet.

4 DISPUTATIO DE INFLAMMATIONE
materiam, facile colligere est, omnem gravem morbum in eo consistentem magno cum vitæ discrimine esse conjunctum. Ob hujus visceris in universo corpore præstantiam & mirificum consensum ac usum non dubitavit *Helmontius* animæ sedem ibi collocare. Quamvis vero hæc pars multis magnisque morbis pateat, non gravius tamen, & quod terrere magis possit malum repereris, quam ipsam inflammationem. Inflammatio quidē, quæ stasis corruptiva sanguinis est, ubicunq; consistat non est sine periculo, periculosior tamen, ubi membranaceas partes occupaverit. Ob exquisitum enim sensum & consensum gravissima & funesta simul symptomata adfociantur. Quibus ex causis inflammatio meningum, ventriculi & intestinorum in summum ægrotantes adducit periculum. Plures harum partium inflammatione extinguuntur, partim ceu primario morbo, partim ceu morborum aliorum symtome. Illud vero mirum fane, quod cum frequentissimus sit adfectus ventriculi inflammatio, à practicis tamen parum omnino observetur. Et quod magis admirandum, illorum libri vel plane de hoc malo silent, vel negligentius tractant. Multi ex iis raram hoc pronunciant malum, quod tamen, si in praxi diligentius attenderis, frequentissimeprehenditur. Quoniam igitur pauca in libris & scriptis medicorū de hac inflammatione reperiuntur, loco Inauguralis speciminis utilissimam hanc materiam pertractare constitui. Cui labori ut summum Numen gratiam ac elementiam suam conferat, precibus devotissimis oro.

§. I.

Prius vero, quam descendamus penitus in adfectus hujus indolem causas ac ortum, convenientissimum videtur, ex

tur, ex anatomicis, quæ ad ventriculi structuram situm, ac officium pertinent, paulo curatius repetere.

Situs est ventriculus sub diaphragmate, cujus posteriori parti etiam incumbit. Tres ferme partes sinistrum latus occupant cum dextrum ab hepate cingatur. Orificium dextrum, quod pylorus vocatur, sub cordis scrobiculo juxta cartilagine[m] ensiformem jacet. Sinistrum vero spinæ dorsi vicinum & firmissime adnexum peritonæo percurrit musculosam diaphragmatis in dorso partem, non vero nerveo-tendinosam uti vulgariter in tabulis depingitur. Substantia ventriculi mere est membranacea, utpote ex meris tunicis & lamellis membranaceis est compositus, quarum vulgo quatuor numerantur. Primæ originem à peritonæo deducunt constantes fere ex fibris longitudinalibus ab uno orificio ad alterum protensis. Huic subjacet musculosa, quæ ex circularibus seu spirabilibus carneis crassioribus componitur, quæ majore agmine collectæ visuntur circa dextram & inferiorem orificii partem, pylorum nempe, quoniam hic loci majori motu & constrictione opus est ad propellenda versus intestina ejus contenta. In sinistro latere, ubi maxima ventriculi capacitas, tunica hæc valde rara & subtilis est. Non enim hic opus erat insigni constrictione, cum ob situm altiorem respectu dextri facile descendant alimenta. Exstant ibi vasa brevia quæ in cruento vomitu plerumque aperiantur, quoniam fere nuda jacent tenuissimis saltem membranulis communita. Notabile est, quod in superiore parte ventriculi, nempe ejus dorso fibræ carneæ ab uno orificio ad alterum secundum longitudinem sint exporrectæ, quæ in orificio sinistro abeunt in circulos. Factum id esse à provida natura eum in finem crediderim, ut facta constrictione facilis ex uno orificio in alterum

fiat liquidorum transfusio, Sicut quandoque videmus in vomitu, ubi quæ paulo ante adsumpta fuerunt & in ventriculi fundo adhuc resident, non ejiciuntur sed quæ ante aliquot dies sumta in intestina iam transierunt. Tertia tunica dicitur nervea, quæ valde densa est, cui substernitur quarta, quæ dicitur glandulosa sive melius villosa ex tenuissimis fibrillis & vasculosis ductibus contexta. Hæc lympham & mucum fundit, crassiorq; est in ventriculi fundo & parte ejus dextra. Defendit nerveam à molesta medicamentorum vel ciborum vellicatione. Accipit ventriculus nervorum ramificationes valde insignes à pari vago, quod constituto nervo cardiaco ac pnevmonico juxta oesophagi latera descendit. Dividitur in duos ramos anteriorem nempe & posteriorem. Ille rursus coalescit in nervum, qui juxta posteriorem partem orificii sinistri abit ad fundum ventriculi. Exterior ad dorsum ventriculi fertur & ab uno ad alterum orificium transit. Ex hisce duobus ramis varii propullulant furculi, qui per parietes orificii sinistri distributi plexum nerveum instar reticulæ constituunt. Deinceps è nervis hepaticis alii in pancreas alii in vasa cholodocha duodenum & pylorum defleunt, iisdemque densas propaginum series inferunt. Hisce ab utroque nervo stomachico aliæ uniuntur, unde ratio adparet, cur vellicatione in ventriculo facta bilis è cystide sua in duodenum effundatur, quæ postea spasmodica intestini constrictione in ventriculum sublata vomitu rejicitur.

§. II.

Si qua proinde corporis pars exquisito & delicato sensu instructa est, certe ventriculus instructus est. Hic intus undiquaque membrana nervea cingitur, quæ sic adpellatur, quod in hanc multi iique insignes nervi excur-

rant.

rant, imo, cute à cuticula separata multo sensibilibior animadvertitur. Sentit hæc ventriculi membrana spicula antimonii, quæ tolerat cutis etiam nuda sine noxa. Oculi admittunt in collyriis crocum metallorum, licet acutissime præ cute sentiant, imo apiculi nervei lingvæ adæquati saporis organa minus ab ejus spiculis adficiuntur. Testis hujus rei est famosa cicuta aquatica, quæ intus sumpta propter vehementem irritationem tunicæ in ventriculo venenum est, exterius vero in forma cataplasmatidis vel emplastri lieni tumido vel duris tumoribus adplicata magna eaque innoxia est medicina. Subtiliori etiam sensu præditum esse ventriculum inter alia declarant adpetitus sitis varii dolores ardores ab adsumtis medicamentis rebusq; heterogeneis venenisq. Et quod maxime mirandum, dantur quædam medicamenta, quæ simul ac ventriculum contingunt, effectum etiam in dissitis partibus exerunt. Exemplo fuerit opium princeps remedium sedantium. Hujus vel dimidium saltem granum idque vel solum vel cum aliis mixtum simulac acciperis, & sedat dolores & dormiendi adfert cupidinem. Nitrum, quo non clarius vel majus antispasmodicum parva etiam dosi in febre vel in ardore inflammatorio datum mox refrigerationis sensum per universum corpus diffundit. In nimia relaxatione fibrarum serique vel sanguinis fluxu validius stypticum adsumtum dum adhuc moratur in ventriculo, etiam in remotioribus locis constringentem ostendit effectum. Ex quibus abunde potest intelligi, quam subtili sensu polleat ventriculus, qui si à corde discesseris omnium in corpore partium princeps meritissimo est adpellandus. Et proinde non sine ratione uti diximus, Helmontius in sinistro ventriculi orificio tanquam acutissimi sensus parte animi sedem collocavit. Eundem ob suam præstan-

præstantiam *Regem* vocat nobilis poeta medicus Serenus Sammonicus. Non sensu vero gaudet solum ventriculus sed consensu etiam. Nam quoniam ex intercostali magno & pari vago accipit nervos, hinc cum cerebro cum dura matre cum spinali medulla faucibus aspera arteria, corde pulmonibus hepate diaphragmate renibus, ipsisque intestinis mutuo sensu conspirat. Igitur si hæ partes laboraverint vel irritatæ fuerint, laborat etiam ventriculus & socius fit periculi.

§. III.

Præter sensationem acerrimam, quæ admirabilis imprimis, mirandus etiam in ventriculo singularis motus species, quo ceu saltura egregia illius robur sustinetur. Vocatur iste motus peristalticus & intestinis simul est communis. Consistit vero in eo maxime, ut una parte constricta altera dilatetur. Qui motus reciprocus per totum intestinorum canalea exercetur, eum in finem, ut contentorum & excrementorum fiat expulsio. Vt enim omnium fluidorum beneficio systoles & diastoles in vasis fit progressus; ita eadem motus specie in magno intestinorum ductu contenta ab uno intestino ad alterum promoventur. Sicuti vero cor est principium C. S. & systaltici motus, quo sanguis juvante constrictione expellitur in arterias, quæ dilatantur, & post dilatationem factam propellitur in venas; Ita ventriculus mihi videtur principium peristaltici motus qui viget in intestinis. Tanta potentia tanto robore hic motus instructus est naturæ providentia, ut merito in admirationem sui physicos convertat. Patet maxime motus huius peristaltici vis in vomitu in quo invertitur, ut magnum sæpe humorum pondus quasi vecte comotum una vice magna vi extrudatur. Et quod mirabilius omnino, videmus argentum vivum ad

dini-

dimidium libræ in iliakis adsumtum, quod excepto auro cum sit gravissimum, nihilo tamen secius virtute & robore motus peristaltici ex fundo in pylorum & intestina premitur. Quodque magis advertendum putaverim, dum per alvum mox ejicitur, necesse est, ut per prolixos istos & anfractuosos intestinorum sinus modo descendat, modo adscendat. Ad quem adscensum certe necessaria est magna vis, magnum robur, quod in intestinis systaltici motus est beneficium. Augetur etiam hic peristalticus motus vehementer à purgantibus & emeticis vel etiam à venenis adsumtis. VVepfferus V. C. qui compluribus experimentis artem nostram nobilitavit in libro de cicuta aquat. p. 172. in animalibus naturam & diversitatem hujus motus, oblatis prius venenis sollicite observavit. Inter alia experimenta è catello, cui radicem napelli dederat, excidit ventriculum, inque ipso motum observavit vermicularem. Clarissimi Autoris verba hic adponimus:

Integrum, inquit, excidi ventriculum movitque se motu vermiculari. Stomachus sive orificinum sinistrum arctissime sese constrinxit, ut ne guttula quidem excideret. Quando vero ventriculus circa medium sese contraxerat, motus lente versus pylorum procedebat, illeque erigebatur & liquor subpallidus quandoque sensim, aliquando cum impetu protrudebatur. Constricto pyloro ventriculus rursus intumuit totus, moxque rursus circa medium se constrinxerat novusque liquor per pylorum ejiciebatur. Hæc constrictionis in medio & inflationis alternatio continuavit per octavam partem horæ, stomacho semper clauso permanente. Postea ventriculus se movere desuit. Plura vide hac de re l. i. p. 262.

§. IV.

Officium igitur ventriculi secundum naturam & ordinem

dinem recte se habet, quando debitus & moderatus sanguinis per vasa in ejus membranas fit adfluxus refluxusque. Ab hoc dependet legitima liquoris gastrici in debita quantitate & temperie secretio. Deinceps versatur in eo, ut motus ejus peristalticus æquabilis & moderatus conservetur. Et hinc placida fit sensatio nec molestus oritur dolor. Omnia itaq; quæ in ventriculum incidere possunt vitia aut ex motu ejus peristaltico læso, aut C. S. per ejus substantiam defectu aut in secretionem liquoris gastrici p. n. derivanda sunt. Ex multis vero magnisque ventriculi morbis jam tractandum suscepimus qui ex tono ventriculi fortius læso inprimis & postea ex S. C. impedito per hoc viscus excitatur. Est hic inflammatio ventriculi, qua quidem inflammatione nihil periculosius nihil feralius existimandum. Prius vero, quam ejus causas causarumque ordinem prosequamur, è re nostra esse arbitramur, signa quibus cognoscitur & quibus ab aliis morbis differt, brevi sermone comprehendere.

Sunt vero ejus notæ perpetuæ & individui veluti comites dolor immanis & fixus ardor circa præcordia & illam regionem quæ cordis scrobiculum comprehendit. Adest simul anxietas ut maxima ita molestissima, corporisque jactatio. Porro febris cum siti magna, vigiliis, pulsu duro parvo frequenti & inæquali comitatur.

Juncta sunt præterea vomitus vel vomitus proclivitas, alvi adstrictio, quandoque etiam inflammatio faucium anginae speciem præ se ferens. Remittunt ad tempus hæc mala mox cum vehementia repetunt suumque impetum resumunt. Accedunt subinde singultus, refrigeratio extremorum cum sudore frigido porro delirium, animi defectio & convulsio. Sæpe urina plane supprimitur. Hæc symptomata ubi accidunt, actum esse de ægroto non
obscure

obscure prædixeris. Corpora si dissecueris, deprehendes ventriculum valde rubicundum lividum, variis modo rubris modo nigris maculis distinctum & vasa sanguinea & capillaria multo sanguine turgida. Quandoque orificium sinistrum macula lata nigra notatum est. Interdum etiam hæc inflammatio, antequam aperiatur corpus, primo ad spectui est exposita. Sæpe extenditur ad duodenum occiditque sæpius paucis diebus, quandoque longius trahitur imo in exulcerationem lentamve febrim terminatur. Non totus vero ventriculus semper inflammatur, sed pars saltem, maxime vero fundus. Nonnunquam tenuior nempe sinistra ejus pars ubi vasa brevia jacent, sæpe dextra pylorum respiciens adfligitur. Ventriculi orificium si occupat inflammatio, periculosissima est, & uti Forestus dicit, Jovis filii dicendi sunt, qui evaserint. Adfectus hic vel idiopathicus est & primarius morbus vel symptoma, quod accidit aliis morbis, maximeq; socius est pesti variolis petechialibus febribus podagræ retropulsæ febribus ardentibus & inflammatoriis.

§. V.

Inflammatio ventriculi ut adfectus est periculosissimus, ita etiam communissimus, qui plures opprimit præcipitatque. Mirum tamen, quod tam parca hujus fiat mentio tam apud veteres quam apud recentiores. Hippocrates, ni fallor, nullibi inflammationis ventriculi, vel ejus orificii meminit, præcordiorum vero meminit inflammatorum de vict. acut. §. 36. p. 298. ed. Lind. Et in Coac. prænot. p. 548. §. 2. hæc habet: *Oris ventriculi dolor & pulsus præcordiorum febre perfrigerata, malum tum alias, tum si insuper exudant. It. Præcordiorum dolores tum alias mali sunt, tum si alvos humedant.* Et p. 681. exemplum hujus inflammationis cum febre l. i. epidem. in æ-

groto XI. adfert. Hic quoque locus respicit in Coac. prænot. §. 317. p. 551. *Præcordiorum*, inquit, *dolores cum febre, si dolor intensus ad caput progressus fuerit, repente occidunt convulsivo modo.* Galenus in libris suis erysipelatis stomachi facit mentionem. Inflammationis quoque stomachi meminit Cels. lib. IV. cap. 5. §. 15. his verbis: *At si inflammatio ventriculi subest aliqua, hanc fere dolor & tumor sequitur.* Ex veteribus quoque observat hoc malum Alexander Trallianus l. 7. c. 14. Cælius Aurelianus Methodicorum summum decus l. 2. de morb. ac. cap. 20. sub nomine cardiacæ passionis comprehendit hunc nostrum adfectum adfirmatque, *ejus essentiam in stomacho atque ore ventris esse quærendam & emergere frequentius quinta vel sexta die in febribus ardentibus continuis vel inflammatis.* Et cap. 32. hanc sequi adserit *febrem celerissimam & inflammatoriam pulsum celerem cum siti modica pulsu parvo genuum gelido stupore, it. cum vigiliarum assiduitate,*

Recentiores etiam raro hanc materiam in suis libris tractarunt. Sennertus brevis est in hoc malo exponendo. Ettmüllerus rarum adpellat adfectum. Verum sæpissime occurrens adfectus vel pro inflammatione hepatis vel pro cardialgia illis accipitur. Jam dudum id notavit Galliæ ille Hippocrates Fernelius l. 6. c. 2. de part. *Inflammationi ventriculi*, inquit, *adfinis est inflammatio hepatis, quæ vel summum jecoris lobum, quo ventriculus obtegatur, vel incumbentem illi abdominis regionem occupat. Tumor enim prominens & circumscriptus cum dolore in ventriculo sito inest, & febre, & aliorum malorum plurima, ut proinde vel experientissimos medicos sæpius fallat. Distinguitur autem sola symptomatum vehementia & pernicie, quandoquidem in ventriculo omnium sævissimæ inflammationes incidunt.*

Cardi-

Cardialgia vero & inflammatio ventriculi multum inter se conveniunt ob plurima symptomata, quæ utrumq; horum adfectuum concomitantur. In eo tamen differentia est, quod in cardialgia deficiat febris, deficiat etiam ardor intensior fixus in ventriculi regione; deniq; clementior benigniorque symptomatum sit accessio.

§. VI.

Jam non immerito quærendum mihi videtur, unde tantum periculi, tantum discriminis ventriculo inflammato immineat. Nam cum aliæ corporis partes profundioribus & gravioribus pateant inflammationibus, v. g. pulmones mesenterium uterus renes: minus tamen habent periculi, nec tam celeriter hominem conficiunt. Quo magis admirandum ac investigandum puto, unde hæc inflammatio tantum mali secum adferat. Non credibile enim est, illam sanguinis paucitatem quæ in ventriculi vasis residet, solum vitæ adeo periculose insidiari. Medici ab adsumto veneno propter ventriculum inflammatum absolutam lethalitatem judicant. Indagandum igitur sollicitius, qua ratione inflammatoria stasis vitam tam celeriter opprimere possit. Vulnera ventriculi absolute lethalia non sunt, cujus rei testes cultrivori, quorum ex ventriculo vel dissecti cultri, vel per suppurationem expulsi fuerunt. *Dolæus in Chirurgia c. 49. l. II.* expresse scribit, Ventriculi vulnera non solum superficialia, sed & profundiora Limburgi curata fuisse. In ulcerationem & abscessus etiam abire ventriculum inflammatum & in lentam hecticamq; febrem tandem desinere quædam nos experientia docuit. Ejusmodi vero suppuratio sine præcedente inflammatione consistere nequit.

§. VII.

Nostram itaque sententiam ut hac de re exponamus,

mus, ita nobis videtur: sanguinis in vasis stasin inflammatoriam in se spectatam causam non esse mortis & tam tristium symptomatum, à quacunque etiam causa proficiscatur. Longe alio ex fonte hæc derivanda esse, liquido adfirmamus. Nempe duplex mihi videtur statuenda causa tanti periculi in inflammato ventriculo. Prima nempe spasmus violentissimus, qui præcurrit semper inflammationem, & hic unus hic solus fere est, qui inflammationem progenerat. Altera est, quod ob stagnantem sanguinem spasmus adhuc augeatur partesque inde nobilissimæ nervæ irritentur. Inflammatio igitur per se non jugulat sed spasmus potius cujus sævitia post inflammationem magis cumulatur. Spasmus vero ejus est naturæ, ut si partem sensibiliorem nerveamque invadat, maximas in universo corpore perturbationes motusque vitæ inimicos adversosque excitare possit. Gravisimorum morborum ratio plerumque ex spasmo nervosarum partium est deducenda. Est passio iliaca, quæ cito hominem interficit cum singultu convulsione delirio extremorum frigore dolorisq; atrociam alvique contumacissima obstructione. Si quæris causam tam subiti tam vehementis mali: Spasmus est intestinorum tenuium motusque peristaltici inversio, ob incarceratum & pondere fecum oppressum intestinum. Passio colica, quæ spasmodica & convulsiva dicitur, immanibus tormentis adficit ægrotos, ut propter animi deliquium & summam anxietatem in vicinia mortis sint constituti. In medio ureterum calculus asperior vel grandior hærens spasmorum inde resultantium vehementia vomitus anxietates corporis refrigerationes, calorem, animi deliquium, tremores contractiones & convulsiones producit. Spasmus duræ matris convulsionem totius corporis musculorum universalem sive epilepsiam excitat. Quam graves

graves adfectiones dentium spasmodicus dolor producat, non modo infantes, quibus dentes erumpunt, sed & adultiores quibus nerveæ dentium membranæ à sero acri vellicantur cum summo tædio molestiaque experiuntur. Vellicatio tunicæ nervosæ tendinosæ, quæ meatum auditorium tuetur, tantum dolorem & spasmum parit, ut cor præcordiaque constringendo anxietates animi deliquia, deliria & quandoque convulsivos partium motus efficiat. Novimus exemplum, ubi lapillus in meatum auditorium infantis intrusus, solo spasmo epilepsiam anxietates vigilias calorem præternaturalem & miram anxietatem excitavit. Hæc symptomata mox remiserunt, ubi relaxatæ fuerunt à spasmo fibræ, inunctione olei anodynii. Imo post hæc sternutatione facta, lapillus qui parum commode extrahi poterat, sponte excussus fuit. Silentio prætermittimus articulorum dolores acerbissimos, qui simili ratione universum corpus adficiunt, testantibus id pulsu celeri, febris, anxietate, vigiliis mentisque perturbatione.

§. VIII.

Ex his, quæ adduximus, abunde demonstratum arbitror, spasmum vehementem in hac sensibilissima nervea, quæ cum tot partibus consentit, parte, ventriculi nempe inflammationem, tantumque symptomatum cumulum inducere. Nam certe hic omnes nobiliores partes in consensum pertrahendo omnem ordinem motuum C. S. scilicet & excretiones ac secretiones turbat atque pervertit. Atque adeo percommode ex spasmo symptomatum, quæ ventriculum inflammatum infesto agmine adpetunt, ratio facile constabit.

§. IX.

Ac primum quidem sistit se nobis intoletabilis illa, circa præcordia anxietas, quæ nil nisi species spasmi est
existi-

existimanda. Hic spasmus ad diaphragma pulmones & cor tendentes nervos comprimit, liberumque S. C. per has partes retinet intercipitque. Ipsam hanc anxietatem variis vocibus *Hippocrates* denotat, & quidem talibus, quæ gravitatem hujus mali perquam eleganter exprimunt. Vocat illam *δοσφορίαν ριπτασμόν βλησρισμόν ἄσπην ἄλυσμόν & ἀπορίαν*. Quæ voces id symptomatis genus pulchre significant, cum ægri varias decubitus formas expetunt, & impatientes certi loci certæque sedis varie se jactant atque movent, modo se attollendo modo dejiciendo, modo in latus modo in ventrem vel in aliam figuram corpus doloribus fessum disponendo. Inquietudo enim anxietatis est comes, & provenit identidem à vellicatione nervorum & C. S. per totum corpus inæquali atque impedito. Pulsus durus parvus & frequens, qui omni graviore spasmō nostroque etiam morbo adsociatur a nimia strictura fibrarum cordis musculosarum provenit. Inde ejus libera diastole & receptio sanguinis item expedita systole expulsioque impeditur. Hinc S. C. tarde progreditur, lentiusque justo per cor & pulmones consuetum iter explicat, sique cordis nervi nimium spasmō stringuntur, cessat plane ejus debita systole atque diastole & ita suspenditur ad tempus C. S. & fit animi defectio. Extremorum frigus partim stricturæ quæ meatus & vasa capillaria premit partim languidiori sanguinis influxui est adscribenda. Referendus huc sudor frigidus, & facies sub tali adfectu Hippocratica. Concavi fiunt oculi nasus acutus, facies livida, tempora collabuntur, muscoli subsident, quæ cuncta vehementiæ sævitæque spalmi & spasmodicæ stricturæ sunt attribuenda. Hoc enim modo fit, ut legitimus sanguinis adfluxus, à quo calor color & vigor faciei dependet, male intercipiatur.

Vomi-

Vomitus inflammationi ventriculi jungitur ob fortissimam constrictionem ventriculi & hanc orificii sinistri & oesophagi inde sequentem dilatationem. Hac quodcunque in ventriculo continetur, fortissimo motu impellitur sursum atq; ejicitur. Vomendi vero nisus, licet irritus, fit à constrictione utriusque orificii, unde denegato exitu nihil redditur. Neque minus formidanda alvi pertinax constriction, quæ nihil ejicit nec admittit injectos clysteres, dum membranæ intestinorum spasmo contractæ cavitatem intestinorum adeo coarctant, ut nihil possit in ipsa intestina penetrare. Alvi enim debita & ordinaria dejectio exigit tonum peristalticum intestinorum salvum atq; incolumem. Læditur plerumque hic tonus vel dilatatione nimia vel constrictione, utrumque vero in spasmo fere accidit, dum altera pars nimium contrahitur, altera relaxatur, & sic progressus inhibetur eorum, quæ intra intestina continentur.

§. X.

Non prætereundus est singultus, quo non frequentius & quod plus periculi minetur signum nostræ inflammationi jungitur. Hic si accedit huic malo, sinistrum sane morbi eventum augurari licet, neque quidem fallet augurium. Fatendum omnino, singultum edi à diaphragmate, comprobante hoc vibratione quæ circa præcordia observatur. Non raro etiam idem accidit cum respirationis vitio & fonitu qui fit non tam à flatu per gulam emissio quam ab aere per asperam arteriam eliso atque in larynge fracto. Utcunque vero hoc concedamus, negari tamen non poterit, quin ipsum diaphragma ad hunc motum à ventriculo ventriculique sinistro orificio concite-
tur. Multos ego novi, qui ex nimia ciborum repletionem vel acriorum rerum uti piperis usu hoc malo graviter

viter adficianur. Et ne obscurum hocce esset, remota causa ipsum malum removetur, mitigata nempe vel diluta acri materia, vel evacuato ventriculo. Neque vero mirum esse debet, cur diaphragma ex ventriculi afflictione patiatur. Nam oesophagus mediante membrana ipsi cum pleura communi & inferius juvante membrana cum peritonæo communi connectitur. Præterea à reliqua diaphragmatis parte, ubi gulam illud transit, filamenta nerveæq; membranæ arctissimo veluti vinculo conjunguntur & ulterius progressæ cum rectis ventriculi fibris maxime coeunt. Tumor in præcordiis quandoque deprehenditur. Hic nil nisi ventriculus est quia fibris circa utrumq; orificium constrictis a flatibus, & contentis exitu intercluso, necessario ejusmodi exurgit mole. Trahit hic tumor comitem maximas angustias, dum nempe sursum premit diaphragma, ut libere moveri nequeat. Icterus sæpe nostro adfectui adsociatur, præsertim si duodenum simul spasmo corripitur. Hujus enim tunicis violentius contractis constringitur & cholodochus ductus, qui per ejus membranas longa & obliqua via fertur. Inde bilis infusione in intestina impedita, necesse est, ut in lympham regurgitet, quæ totum corpus luteo colore inficit. Ulterius convulsiones non nisi ex spasmo sunt derivandæ. Nam vehemens ventriculi spasmodica contractio in consensum trahit duram cerebri matrem, quæ omnes nervos tam ex cerebro quam spinali medulla molli sinu completitur. Hæc si spasmo infestatur, fit convulsio musculorum universalis sive epilepsia. Ultimo loco dicendum de delirio inflammationis nostræ non infrequenti symptomate. Nascitur hoc, dum sanguis propter contractam duram matrem in circulo sistitur & inflammationem excitando mentis usum vel imminuit, vel plane extingvit.

§. XI.

Ipſa vero inflammatio ventriculi identidem ſpſmi ſoboles eſt. Conſtat enim hanc ipſam fieri à ſanguine in vaſis hærente & velut incluſo. Unde venæ tument, ingens fit ardor, arteriæque pullant. Nam ſpſmus ejus eſt indolis, ut conſtrictione venas, quæ minorem reſiſtenti- am ob defectum pulſus habent, facile comprimat, angu- ſtet, unde reſgreſſus ejus impeditur & inflammationum fi- unt natales. Dixerunt id veteres attrahere dolores, adflu- xum humorum concitare. Quod ipſum quidem ipſa, comprobatur experientia, & ratio etiam facilis, quippe dolor fit ex ſpſmo. Qui dum venas conſtringit ſanguis & humores in arteriis reſidentes congeruntur. Unde tur- gent & tument à ſanguine vaſa, & niſi progreſſus illius ad- juvetur, ſuccedit inflammatio. Quapropter graviores dolores inflammationem plerumque poſt ſe trahunt. Ex quo intelligitur, ventriculi inflammationem à veneno vel alia cauſa irritante exortam ſpſmi eſſe effectum & teſtari de truculenta validiſſimaque hujus tyrannide. Tollit ita- que non tam inflammatio quam ſpſmus, qui cauſa eſt il- lius & ex qua inflammatio augetur & exaſperatur. Un- de adparet, tonum & motum ventriculi in hoc malo ma- xime eſſe læſum.

§. XII.

Expoſita ſic cauſa formali & proxima noſtri adſe- ctus, quæ tam gravia progignit ſymptomata, jam ad eas cauſas inveſtigandas nos convertimus, quæ ſpſmodicæ ſævitix in ventriculo lenocinantur. Et uti noſtra metho- do omnes omnium morborum cauſæ in materiales & im- materiales diſtinguuntur: ita ab his initium ſermonis faci- amus. Primum vero vehementiſſima animi commotio ſe ſiſtit, quæ fit ex iracundia. Loquitur experientia vul- garis

garis, excandescientiam nimiam plerumque suppressam, consequi compressionem molestissimam circa scrobiculum cordis cum ardore præcordiorum alvi adstrictione, oris amaritie vigiliisque. Succedit sæpius icterus item febris. Longum est repetere tot exempla eorum, qui ab ira misere extincti fuerunt, cum hæc ipsa abunde practicorum libri suppeditent. Ipse Dn. Præses sæpius observavit, ex ira inflammationem ventriculi subortam. Tale exemplum prodidit Hildanus centuria VI. observ. 34. Licet vero inflammatio ventriculi ex ira concitata periculosa admodum sit, periculosior tamen evadit & quæ parum læti promittit, si vomitoriis purgantibusque oppugnetur. Patet & hic campus dicendi de noxa horum medicaminum, nisi ab hoc instituto ipsius Domini Præsidis observationes nos revocarent. Commode in mentem ipsi incidit elegans Canonici Halberstadiensis historia, quæ abunde institutum nostrum illustrabit. Is pulcre sanus cum inter rixas atque jurgia vehementissime excanduisset, mox vinum calidum superbibisset, quod vulgo Sect adpellant, insequenti die statim perferire cœpit conceptum intra venas malum. Tum enim incredibiles dolores circa præcordia, horum angustia & conatus ad vomendum. Porro ardor stomachi inque, stomacho aliquid inhærens videatur, quod exitum moliretur. Advocatur medicus, rogatur in consilium, præscribiturque vomitorium ex sulphure antimonii aurato compositum. Sumit hoc æger eoque sumto ter bene vomit sed sine levamento, imo potius doloribus accrescentibus. Iam pulsus parvus & fere nullus, jam frigus frigidusque sudor parum spei ad meliora ostendunt. Mox ægrum etiam mens antehac illibata & convulsionibus accedentibus ipsa vita deserit, intra x. horarum spatium ægro extincto

tingito. Dissecto cadavere in fundo ventriculi plures videbantur maculae partim nigrae partim rubrae nonnullae etiam altiores, non obscuro indicio, spasmum cum ab iratum ab emetico suscitatum causam inflammationis ac ipsius morbis extitisse. Docet haec historia, quantam potentiam ira exerat in spasmodicis concitandis circa regionem ventriculi. Excipit iram ut plurimum gravis compressio circa illum locum, in quo pylorus & duodenum situm habent. Non infrequens etiam est observatio, iracundiae succedere icterum. Cujus rei non alia dari potest ratio, quam spasmus, qui ad ductum cholodochum pervagatus illum constringit, & hoc ipso efficit, ut bilis in lympham regurgitet. Tali exinde in casu non aperiencia, sed anodyna & sedativa summam opem adferunt, id quod & Sylvius. CL. Medicus, suo etiam tempore observavit. Deinde ira sursum protrudit bilem, unde os amaro sapore repletur & ad vomendum fit cupiditas, constricto nempe pyloro. Colligere ex eo jam erit facillimum, in ejusmodi casu parum convenire vomitoria, cum ad spasmos teneras ventriculi fibrillas irritent, & ipsos spasmos augendo ad nostrum malum viam facile aperiant. Eadem cautio tunc maxime adhibenda est, si ventriculus proclivis est ad spasmos, ubi vel abstinendum plane iis, vel parcissima in dosi est utendum. Meminit Dominus Praeses funesti casus, quem imprudens vomitorii usus excitaverat. Balneator quidam, ultra sortem suam sapiens, uti genius est horum hominum, feminae tertia laboranti vitrum antimonii in substantia ad grana IIX. dederat. Hoc cum adsumpsisset mulier, accedente febre, insigni vomitus frequentia exercebatur, remittente illa purgatio & vomitus identidem recedebant, sed cum magna virium amissione. Redeunte febre febrisque indivulso comite frigore,

vomitibus purgatioque repetunt idque cum summo miseræ mulieris dolore ac intoleranda prope anxietate. Cum tertia fieret febris accessio, accedebat rursus vomitus, accedebat dolor sed jam acerbissimus, & qui suprema instare non obscure significabat. Nec paulo post summa inquietudo, extremorum frigus, animi defectio & convulsio, postremoque omnium mors ægrotam occupat. Apertum cadaver inflammata ostendebat partem ventriculi inferiorem maculis hinc inde nigris ac rubicundis, tam in duodeno quam in intestinis adparentibus. Et quod magis admirandum, antimonii pulvis crustaceæ tunicæ adhuc inhærebat, unde manibus plane causa mortis tangi poterat. Ab adsumto croco metallorum puellam quinque annorum extinctam fuisse, *Blasius* refert in observ. Anat. vomitu vehementissimo & convulsionibus præcedentibus. Aperto cadavere, angustus & contractus fuit repertus ventriculus, ut ovi magnitudinem vix referre videretur, vesica fellea præter modum turgida, ut de facili ventriculi inflammatio deprehenderetur.

Summa proinde cura artem exercentibus est providendum, ne cum impetu quodam vomitoria rapiant, sed suspensa manu ægris exhibeant. De sanguinis missione in apoplexia adhibenda dicit C. Celsus, illam vel occidere vel liberare. Idem ego adfirmaverim ut de ceteris medicamentis validioribus, ita etiam de iis, quibus vomitus evocari solet. Non præstantius sane medicamentum, si tempestivus eorum usus fuerit, non perniciosius contra & quod perinde formidandum, quam hoc ipsum auxilium. Viderint proinde medici, quam recte faciant, qui ventriculum ira commotum vomitoriis oppugnant ac exasperant. Tantum enim abest, ut hæc remedia in hoc adfectu expediant, ut ipsum dolorem atque morbum red-

dant

dant ferociorem. Prudentis potius Medici est antispasmodicis rem agere, eoque inprimis adniti, ut spasmorum vehementia ac furor omni modo exarmetur. Demus hoc omnino, ipsam naturam pronam ac proclivem tunc videri ad vomitum & ad hunc urgeri quasi atque stimulari, pyloro nempe fortiter se contrahente. Demus etiam, ipsos ægros sæpe anceps hoc remedium deprecari. At hæc omnia, quæ invitare poterant medicum ad dandum vomitorium ipsius potius sagacitatem commonere debent, ut omni modo illud respuat rejiciatque.

§. XIII.

Non minus periculum adferunt adfectui nostro illa purgantia, quæ acriora & valentiora sunt. Est illis eadem perimendi ratio. Nempe spasmis agendo inflammationes in ventriculo & intestinis excitant. Evenit id inprimis iis, quibus prima regio crebris spasmis exercetur, vel qui ob bilem acriorem & copiosiore propius sunt positi stomachi inflammationibus. Aliquot ab hinc annis Dominus Præses memorabile exemplum in Chirurgo hujus loci observavit. Hic accepto vehementi purgante ex elaterii helleborique nigri extracto nec non ex trochiscis alhandal. & gummi gutt. statim cum magnis torminibus crebriorem alvum deiecit. Circa vesperam frigida cerevisiæ aliquot mensuris in cella Senatus oppidani haustis, additisque aliquot taleolis raphani rustici, nocte & insequentem mane de ingenti dolore querebatur cum anxietate præcordiorum, inquietudine vomendi; cupidine. Accessit paulo post febris, pervigilium virium defectus faucium inflammatio cum pituita acri viscida glandulas obfidente. Tandem singultus supremæ horæ index secutus ipsam mortem attulit. Nullum dubium est, quin inflammatio ventriculi adfuerit, suborta quidem ab acri caustica purgan-

purgantium resina firmiter ventriculi tunicis infixæ, quæ continua rosione ventriculum ad spasmos sollicitavit. Inde inflammatio, inde illi dolores, qui ex frigido potu semper inimico morbis spasmodicis facti sunt intentiores. Novimus etiam exempla, ubi in tertiana continua ex fortioribus purgantibus eadem fere symptomata necem intulerunt. Nam in omni tertiana sive simplex sive duplex & continua sit, spasmi vexant ventriculi regionem, vomitu id ipsum contestante. Idem patiuntur ductus biliarii, unde febre hac laborantes non raro etiam ictero implicantur. Sedulo igitur monendi sunt qui artem faciunt, præsertim tyrones, quibus salus ægrorum curæ cordique est, & qui conscientiæ consulere cupiunt, ut his medicamentis circumspecte utantur. Quod quidem diligentius ipsis observandum, ubi prima regio ad spasmos prompta non mediocrem inflammationis metum injicit.

§. XIV.

Nunquam vero solennior frequentiorque inflammatio ventriculi occurrit, quam ubi fuerit adsumtum venenum causticum præsertim ex mineralium regno petatum. Et hoc nomine famosum est arsenicum, de cujus infelici effectû plures historiæ ac observationes à practicis commemorantur. Equidem non negari potest, mercurium sublimatum ipso arsenico vehementius potentiusque esse venenum, nihilo tamen secius si frequentiam funerum spectes, quæ hoc ipsum dedit, adeo cum illo non certaverit solum, sed etiam facile superaverit. Rara enim exempla rara mentio in libris de mercurio sublimato, quod homines interfecerit, cum de arsenico multæ & copiosæ suppetant historiæ. Si rationem hujus rei expetis non alia est, quam arsenici sapor nihil acre causticumque præ se ferens & ipse error hominum, propter similitudinem pro
saccharo

saccharo sæpe adsummentium. Arsenico extincti, ubi illos aperueris, ventriculum inflammatum semper ostendunt, eumque variis maculis aphtis ac ruboribus suffusum. Atque adeo ventriculi inflammatio non modo essentielle signum veneni corrosivi adsumti & olim habita est & adhuc habetur; sed vix commemoratur etiam inflammatio ab alia causa proficiscens nisi è veneno, licet illa sæpius ab internis causis excitetur. Illud tamen memorabile, has inflammationes non proximam mortis causam esse, sed potius de spasmis testari, qui per totum corpus se diffundentes ordinem vitalium motuum turbant & hac ratione non dubiam mortem adferunt ipsa celeritate conspicuam. Iterum hic ad partes mihi est vocandus, sed summa cum laude Clarissimus Wepfferus, qui in cicuta aquatica hanc rem variis pulcherrimisque comprobavit experimentis. Nam cum ex regno vegetabili & minerali varia venena, variis animantibus dedisset, adnotatis diligentissime prius symptomatibus postea disiectis animantibus vel extinctis jam, vel cum morte adhuc conflictantibus, ventriculum arctissime constrictum atque inflammatum deprehendit.

§. XV.

Haftenus de venenis externis, quæ inprimis homines formidant, jam ad ea venena transimus, quæ intra corpus nostrum latent, inque ipso generantur. Non minus ab his expectandum periculum, sive vehementiam, ac nocendi spectes celeritatem sive ipsa symptomata ac signa, quæ cum illis habent communia. Igitur & ab his, uti à ceteris venenis, inflammatio ventriculi non raro provenit. Ipsa certe pestis, quæ celerrime præcipitat, non alio modo hominem interimit, quam quod virulentum miasma cum saliva deglutitum in ventriculo spasmos pariat & ex spasmis inflammationem. Cujus quidem rei

testes sunt dissecta cadavera, in quorum ventriculo eschara quædam sphacelosis maculis obducta plerumque invenitur. Porro ipsa signa ac symptomata, uti animi deliquia frigidi sudores, summæ anxietates denique singultus abunde id testantur.

Petechialibus febribus retrocedentibus vel non expulsis petechiis à sale acerrimo ortis crebro feralis inflammatio ventriculi sese adsociat ex essentialibus signis probe cognoscenda.

Idem malum quam sæpissime accidit à podagra intra corpus remanente, cum nempe illa vel externis linimentis intra corpus compellitur, vel deficiente virium robore non foras ejicitur. Tum enim salia acria intercluso ipsis consueto exitu ad alias partes divertunt & periculosa mala maxime inflammationem ventriculi excitant. Pessima igitur consuetudo est, quæ inter nonnullos nostri sæculi medicos invaluit, qui externis linimentis sedativis ex camphora spiritu vini opio constantibus vel etiam emplastris anodynis sævienti podagrico dolori occurrunt. At quam infelici sæpe successu ejusmodi remedia adhibeantur à quibus omnino abstinendum erat, ipsius Dn. Præsidis observationes confirmant. Multa ille novit exempla, quæ adferri possent, nisi sequentia sufficerent. Ita periit non ita pridem Generosus Vir in vicinia. Is cum per multos annos podagræ sævitiam sustinuisset, multis tentatis remediis medici consilio tandem ad emplastrum saturninum refrigerans confugit. Placet statim hoc dulce venenum, quod ingruentem dolorem pedibus pectori & dorso admotum egregie levare videretur. Ita per biennium hoc ipso utitur ceu singulari adversus imminentes dolores præsidio, donec illud tandem fefellit. Nuper enim vehementiori ira commotus statim emicare sensit dolores podagricos

gricos, qui jam non amplius pedes & exteriora occupabant, sed ad interiora remeasse videbantur. Neque in obscuro erat, ventriculum inprimis pati ac ad inflammationem pronum. Igitur jam miræ anxietates, febris cum pulsu parvo & inæquali nulloque somno aderat. Nec multo post singultus per V. dies continuus, item ardor, faucium cum siti inextinguibili & anxietatibus ab adsumto liquido auctis consequebatur. Hoc modo cum nulla spes salutis superesset nonus ab invasione dies dolorum vitæque finem ægro adtulit. Manifestum exinde, non podagram, sed inflammationem ventriculi, quæ in consensum trahit totum fere corpus, ægrum extinxisse. Materia enim podagrici doloris serum biliosum causticum est, quod glandulosis articulorum membranis insidet. Hoc si non propellitur motu febrili critico, sed spasmi justo maturius sedantur, in corpus regreditur & in membranaceas inprimis partes furorem suum effundit, spasmos nempe concitando. Incredibile quantis tunc doloribus, quam indignis tormentis ventriculus & intestina torqueantur, ita quidem, ut non raro inflammatio & ipsa mors exinde subsequatur. Quod me recordantem in se morari cogit similis Generosi cujusdam Viri valetudo, qui in præsentis Dn. Præsidis curæ consilioque se commendavit. Hic cum longa & iniqua podagra conflictatus remedium doloris in externis quærere cœpit. Igitur admotis linimentis ex spiritu vini camphora & opio paratis egregie sibi allevatus videbatur, remittente nempe per aliquot annos dolorum inclementia. At quantum frustrata fuerit hæc medicina, exitus docuit. Proxime enim in cachexiam pedum tumorem & quod pejus ceteris asthma convulsivum incidit à quibus malis ægre liberabitur. Discant exinde prudentiores Medici temperare sibi ab ejusmodi

remediis, ne pro medicina venenum ægrotanti adferant; discant etiam inde, summa cum cura ac sollicitudine opium adhibere. Hoc enim in podagra imprudenter datum, quantum malorum excitet, præter adducta jam sequens demonstrabit historia. Vitriarius quidam hujus urbis diu excruciatu podagræ doloribus, opii essentiam adsumpserat, sperans hac ratione fractum iri mali vehementiam. Sed falso: Paulo post enim podagra in corpore velut vinculo quodam retenta dolores summos procreavit, qui infixi velut præcordiis circa cordis scrobiculum maxima cum anxietate emicabant. Increfcebat mox valetudo, increfcebant dolores & accedente singultu post gravissima tormenta ægrum conficiebant. Adeo opium non dolores sed vitam potius extinxerat.

§. XVI.

Ventriculi inflammatio comitari etiam quandoque solet eos, qui variolis vel morbillis decumbunt. Hi enim vel retrocedentes, vel ad exteriora minus recte exeuntes, ad interiora serpunt & præcordia ventriculumque maxime infestant. Solet hoc accidere cum ob malignitatem, tum ob violem peccantis materiæ, qua hæc exanthemata impedita intra corpus remanent cum maximo ægroti detrimento. Vidimus non paucos variolis decessisse, quibus non alia causa mortis fuit quam ventriculi inflammatio, quæ ex ardore circa præcordia virium defectu extremorum frigore faucium inflammatione singultu denique cognoscebatur. Ita Nobilem Virginem Cizæ expirasse, D. Præses admonuit. Graviter morbilli hanc adflixerant & morbillis menstruorum fluxus accedebat. Hunc Medicus ceu minus salutarem sistere tentabat, & sistebat etiam, additis & volatilibus spiritibus ad promovendam exanthematum expulsionem. Prodierant quidem morbilli, sed
cum

cum exigua levatione mali, quod hoc ipso magis accrevisse videbatur. Septimo adpetente die magnus ardor & præcordiorum dolor ægram occupat, item pulsus inæqualis & frequens cum delirio & singultu, quibus malis illa mox succubuit.

§. XVII.

Dicendum jam de bile magna, & non infrequenti causa inflammati ventriculi. Hæc enim in cystide fellea retenta, sive id ob calculum illius ductus obsidentem, sive à spasmo meatus hosce constringente fiat, facillime adfectum nostrum progenerat. Multa & clara hujus rei habuimus exempla & habent etiam medicorum commentarii: suffecerit tamen pauca adduxisse. Studiosus quidam melancholici temperamenti paucis abhinc annis variolis corripiebatur. Erumpebant circa tempus ordinarium variolæ, sed cum sinistro statim augurio, quippe nec attolli nec in pus abire videbantur. Pauco interjecto tempore æger de anxietate pectoris conqueritur, conqueritur simul de dolore exurente præcordia & summa lassitudine, ut non sine causa inflammationem stomachi suspicaremur. Nec mora: ingravescit malum, fit singultus & denique convulsio fatalem adfert necessitatem. Dissectum corpus omni fere pinguedine destitutum videbatur, nisi quod membranæ, quibus illa alias adhæret, paucis oleosis globulis obsideretur, idque tam externe super musculos, quam in abdomine, ubi ejus copia alias observatur. Musculosa contra caro solito durior & ultra modum grandior ac crassior adparuit. Ventriculi fundus totus inflammatus erat, fellea vero vesicula materia liquidam referente picem turgescibat, velut cartilagine quadam occlusis meatibus. Hærebant porro multæ guttulæ acerrimæ bilis in concavo hepatis, quæ non minus vesicæ inspersæ erant & vici-

num colon dextrumque stomachi orificium flavo eoque
tædo colore infecerant. Ecquis dubitaret, quin bilis o-
mnium malorum causa fuerit, tum variolarum maligne
procedentium, tum feralis inflammationis & ipsius mor-
tis hanc consecutæ. Idem malum eodemque ex fonte
procurrens ante breve tempus abstulit egregium Virum
Illustrissimi Comitis cujusdam moderatorem. Hic ex ab-
usu horæorum fructuum tertianam sibi contraxerat, cum-
que interea nec vacaret morbo, nec à profectionibus id-
que frigidioris cælo sibi temperaret, mox in pejorem mor-
bum febris est commutata. Itaque ad nos accedens de
intolerabili circa præcordia æstu querebatur, nostrumque
rogabat consilium. Neque vero causa morbi adeo late-
re nos potuit, quin statim inflammationem ventriculi sub-
esse deprehenderemus, præter ardorem summum pulsus parvus durus & inæqua-
lis. Præterea ab omni liquido accepto pejus se habebat,
quibus omnibus & icterus se adjungebat, cum lævo sane
omine exuperandi morbi. Ut primum spectatis reme-
diis obviam itum malo, remittebant modo dolores, mo-
do vehementiores recurrebant. Altero vero die, cum ad-
ventaret febris, cum majori impetu recrudescebant.
Ego interim cum extra urbem cogerer excurrere, mox re-
dux ægrum decessisse cognoscebam. Nec fefellit meum
judicium. Cadavere enim aperto, ventriculum, cujus par-
tem adhuc servo, mire inflammatum inveni. Præter hæc
ductus cholodochus multis iisque nigris calculis obstru-
ctus erat, ipsa vero vesicula bilioso humore repleta. Ex
quibus facile intelligitur, non obstructionem solum, sed
acrem etiam bilem nervos hepatis ventriculique irritan-
tem causam icteri ac inflammationis præbuisse. Adde
quod spasmus febrilis spasmos jam per se effrænes magis
effe-

efferaverit, & sumptum fortasse purgans ad causam morbi non parum contulerit.

§. XVIII.

Simile quid in illustrissimo Comite de Harrach observare contigit Dn. Præsidi, cum in thermis Carolinis versaretur. Summus hic Vir per biduum sumtis thermarum aquis statim sentire cepit urinæ suppressionem. Conjectura fuit de calculo vel hærente in ureteribus, veletiam de spasmo hos ductus coarctante. Optimum proinde visum fuit antispasmodicis & emollientibus laboranti subvenire. Adhibetur interim alius Medicus in consilium, qui purgantibus & vomitoriis malum adgredi constituit, ratus nempe, viscidam saburram in ventriculo & intestinis delitescentem causam esse hujus lotii retentionis. Igitur, me reclamante quidem propinat primo vomitorium, mox purgans satis validum. Purgatur æger vicesies malo interim nihil imminuto. Tandem emulsione data tanta, copia ac vis urinæ instar loturæ carnis profluxit, ut quinque mensuras impleret. Nono morbi die omnia ingravescebant, summa anxietas, pulsus parvus celer inæqualis & quod omnino pessimum, singultus per duos integros dies continuus. Præter hæc faucium inflammatio cum albissima viscida pituita fauces obsidente, viriumque languor, sequebantur, quibus malis confectus paulo post mortalitatem implevit. Post mortem tumor scirrhusus instar fabæ interne in vesica adparuit, quo tumore obsidente ejus orificium urinæ fluxus fuit impeditus. Ipsa urina, quæ retenta erat, similis erat loturæ carnis, erant ureteres extensi, renes flaccidi magni, eorumque substantia mollis ac velut dissoluta. Ventriculus cum oesophago inflammatione vehementi erat adfectus. In vesicula vero fellea lapides viginti minores & duo majores in ductu cholodocho hærebant ex eo excindendi. Vesica urinaria valde tur-

gida

gida, in cuius orificio, ut diximus, corpus glandulosum non dissimilis naturæ cum prostratis, cum quibus quasi continuabatur. Hic tumor à pondere urinæ ex copia thermalis aquæ depressus firmiter vesicæ ora claudens, contumaciter urinam supprimebat. Inde urina restagnans in ureteres & renes regurgitans horum substantiam corrumperat. Accessit his supremum malum frequens purgantium usus intempestive à Medico exhibitus, quæ sine dubio ad flatum atque inflammationes non parum contulerunt. Ceterum vitium bilis ejusque suppressio ab obstructione ductus cholodochi utique ad ventriculi inflammationem multum contribuit.

Nam bilis hac ratione acris reddita per poros vesicæ transudat & subjectas partes vehementi ardore adficit. Pulcre Riolanus in enchirid. l. i. c. 23. *Interdum cystis fellea vicina tangit, tingit ventriculum, ac si titione ardente ureretur.* Nec minus bene Platerus l. 2. Pract. p. 436. observavit ventriculum tingi macula lata lutea, unde perpetuus ventriculi ardor, cuius quidem ardoris causam in bilis vesicula multa bile turgente & macula lutea deprehendit. Imo nihil frequentius in praxi occurrit, quam ictericos a bile stagnante copiosa plexus stomachicos & cardiacos arrodente vomitus anxietates & ardores experiri. Quæ cuncta symptomata à spasmodis, qui ventriculi regionem lacerant merito sunt deducenda. Eadem bilis caustica sæpe efficit, ut dysentericiæ malignæ inflammatio ventriculi conjungatur. Ita post dysenteriam malignam ventriculi fundum maculis obsitum repertum fuisse J. Paterson Hain in miscell. cur. ann. 1671. obs. 115. scribit. Cavendum proinde in ictero, ne ea adhibeantur quæ spasmos reddunt acerbiores. Nempe vomitoria, purgantia, calidiora acria frigus denique & frigida potiones. Icterus enim sæpius præce-

præcedit inflammationem ventriculi, sæpius etiam sequitur. Ita ante annum Generosus Vir laborabat febre cum summa anxietate extremorum frigore & tremore. Quarto die icterus & septimo mors ipsa ægrum corripiebat. Neque dubium, duodenum inflammatione fuisse adfectum, unde ob stricturam vehementem ductus cholodochi bilis ad sanguinis & lymphæ massam regrediebatur.

§. XVIII.

Sunt & aliæ causæ maxime externæ, quæ ventriculum subita inflammatione adgrediuntur, inter quas frigidus inprimis potus est connumerandus. Hic post calefactum prius corpus intemperantius ingestus, quantas noxas excitet, vulgari etiam opinione comprobatur. Non vero alia causa hujus dari potest, quam quod sanguis motu prius concitatus, accedente frigore, mox in cursu sistatur & intra venas resideat. Unde stomacho inflammato sanguis in copia in ejus vasis colligitur, tumore dolore variisque spasmodis inde concitatis. Omnes enim, qui moriuntur ex frigido potu inflammatione ventriculi & spasmodis extingvuntur. Meminit D. Præses Quæstoris, qui hoc anno in thermis Carolinis morabatur. Hic contra medici monitum per duas horas balneo usus, post id una vice magnum poculum acidularum, quæ dicuntur Bnichsäuerling, siccavit. Ex eo tempore pessime habere cœpit, cum antea prospera valetudine uteretur. Aderat enim summus ardor, externorum frigus, somnus inquietus & plane nullus, virium debilitas nixus ad vomitum, pulsus debilis & frequens. Hæc symptomata ad sex vel VII. dies grassata tandem medicamentorum diaphoreticorum, it. infusorum calidorum ope feliciter propellebantur. Simile exemplum vidit D. Præses aliquo abhinc tempore in hac urbe, studiosus quidam, cum in ludo gladiatorio corpus

E

vehe-

vehementer commovisset, mox frigidam hausisset copiosius, gravissimis primum ventris torminibus, mox solenni illa præcordiorum æstu vexabatur. Hinc quotidie in pejus abeunti malo tertio die delirium & delirio convulsiones accesserunt. Neque multo post æger occubuit, inter lusum jocumque mortis causa inventa. Non silent de hoc malo medicæ historiæ, ex quibus juvat ex Blasio adduxisse, quam in *Observ. anat.* p. 424. commemorat. Juvenis 24. annorum cum motu vehementiore incaluisset, frigidum potum largius adsumpserat. Statim conqueri cœpit de maximo dolore pectoris & ardore circa cordis scrobiculum, & post paucos dies expiravit. In aperto corpore omentum gangrænosum ventriculusque inflammatus reperiēbatur.

A vermibus non raro nostrum adfectum provenire, medicæ confirmant observationes. Refert Hercules Saxonia Part. 2. cap. 7. *Prælect. Pract.* puerum sexennem ex dolore summo ventriculi obiisse, & dissectum duos vermes in ventriculo exhibuisse. *Superiori*, pergit, *orificio* iusta erat macula ex rubro livescens unguis in digito minori magnitudinem referens orta à punctione majoris lumbrici, qui ventriculo adfixus causa fuit anxietatis. A causa externa violenta inflammatio ventriculi nonnunquam gignitur. Ne longi simus in exemplis enarrandis suffecerit Hildani diligentia, qui à deglutita acicula funesta symptomata suborta observavit. Vid. cent. 1. obs. 64. A morfu vel ictu bestiarum inflammationem ventriculi nonnunquam proferri medicorum libri contestantur. Non tacendum hic, ventriculi inflammationi admodum esse expositos, eaque periclitari maxime illos, qui spongioso laxoque corporis habitu gaudent, & quibus fibras teneras & vasa exilia ac copiosa succorumque abundantiam natura dedit

dedit. In hisce ordinario sangvinis progressio est lentior, quippe in spongioso corpore propter fibrarum laxitatem necessarium deficit robur, ad fluidorum cursum promovendum. Impetus enim & potentia impulsus in tot innumeris parvisque ramificationibus valde frangitur, indeque tardior fit progressio. Deinde ætas juvenilis & virilis plus ceteris apta est ad inflammationes omnis generis suscipiendas. Hæ enim ætates sensibiliores & ad spasmos maxime proclives sunt. Facit huc etiam succorum copia proveniens in feminis ex menstruorum vel hæmorrhagiæ criticæ suppressione, vel in iis, qui laute vivunt, ex intermissa sangvinis missione, cui alias adseverunt. Constans enim hæc regula, plethoricos magis obnoxios morbis quam qui proportionatam ad vasa in venis habent sangvinis copiam. Animi enim adfectus spasmi & facilius in ipsis generantur, & periculosiores concitantur commotiones.

§. XX.

Quod attinet ad curam hujus mali, hæc ipsa facilius ex suppeditatis causis tradi potest. Auxilia enim & remediorum genera, & directe & indirecte morborum causis opposita esse debent. Primum itaque in quæstionem venit, num V. S. in hoc adfectu admittenda? Cui quidem quæstioni ut satisfaciamus, ita respondemus, illam magis præservationi quam curæ ipsi convenire. Nempe cum metus est hujus adfectus ex plethora, ex mensium suppressione, maxime V. S. est amplectenda. Plethora etiam, si manifesta est, & si ex frigido potu vel febre ardente malum impendere videtur, in principio necessarium plane, ut sangvis detrahatur. Hoc enim modo sangvinis stasis dissipatur; ipsiq; sangvini suus motus redditur; si vero à veneno, vel maligno symptomate, vel morbo in-

trorsus pulso malum est, tum plus damno erit, quam emolumento. Debilitat enim & vires jam imminutas magis imminuit. Idem tenendum in cachecticis corporibus, & macie confectis. Altera quæstio est de purgantibus: an congruunt nostro morbo. Elegantissimus vero locus est Hippocrat. hac de re de viēt acut. §. 36. qui sic se habet: *Maxime, inquit, inflammationes & supra septum transversum dolores ac morborum collectiones solvi non possunt, si quis prius medicamentis purgare adgrediatur, Nam V. S. in talibus principalis est, dein infusa per clysteres, si non magnus & vehemens fuerit morbus. Sin minus etiam postea medicamento purgante opus est: sed & post Venæ sectiones purgans medicamentum securitate ac moderatione opus habet. Quicunque vero ea, quæ inflammata sunt, statim in principio morborum medicamento solvere tentat, (i.e. purgante id enim Græcis est Φάγματον.) hi de intento quidem & inflammato nihil auferunt, non enim remittit adfectio, quæ adhuc cruda est: quæ vero morbo resistunt ac sana sunt, colliquefaciunt. Debili vero evadente corpore, morbus invalescit. Quum autem morbus corpori prævaluerit, tale jam incurabiliter adfectum est. Non piguit commemorasse longiorem hunc locum, qui velut coralla quadam omnia curationis momenta complectitur. Gravissimus nempe Autor experientia instructus copiosa pulchre demonstrat, neutiquam purgantia in adfectu nostro esse adhibenda. Nam hæc medicamenta spasmis constringendo tunicas & glandulas, serum extrahunt fæcesq; alvi educunt. Minus vero ea facultate pollent, ut sanguinem hærentem in ventriculi vasis discutere possint. Imo spasmos augendo adeo non levant malum, ut illi potius sint incremento. Unde omnes Practici veteres vno ore adfirmant purgantia in hoc adfectu plane respuenda. Videatur Forestus, vir si quis alius diligentissimus l. 4. observ. 31*

Si ve-

Si vero alvus adstrictior est, expedit adhibere clysteres molles ac lenientes. Quodsi vero ex iracundia bilis nimia in copia ad intestina præcipitata fuerit, quæ præsertim acris, materiam præbere potest malo, tunc necessarium omnino, ut illa expellatur ac ejus acrimonia mitigetur. Quem in finem commendo pulverem ex rhabarbaro lapid. cancror. & nitro compositum.

§. XXI.

De opiatis & anodynis ita censemus, omnia validiora ex iis, præsertim opiata uti in omni inflammatione ita maxime in hac valde esse periculosa. Facili enim negotio sensum fibræ adimendo ad sphacelum disponunt. Correcta vero & cum diaphoreticis juncta, præterea principio circumspiciuntur data sæpe egregio sunt adjumento.

Theriacam quæ opium fermentatum alexipharmacis correctum est, non sine ratione ceu venenorum antidotum antiquitas deprædicavit, idque in ictibus inprimis animantium. Non alia vero ratione prodest, quam quod spasmos tollat & tranquilliori facto corpore, per debitas vias illud ejiciat. Quodsi itaque ex bilis acrimonia caustica, item in cholera passione iliaca cardialgia ex morfu virulenti animalis it. ex vomitoriis vel purgante vehementi ventriculi inflammatio est metuenda, utique theriaca cœlestis commixta cum bezoardicis, cinnabarinis, nitrosis erit utilisissima medicina.

§. XXII.

Maxime omnium vero profunt in hoc malo, quæ spasmos leniter sistunt, sanguinemque & humores in circulo suo conservant, & acrimoniam, si qua subest demulcent. Egregie hoc fine commendari merentur infusa v. g. herb. veronicæ, scordii, fl. sambuci bellidis, chamomillæ vulgaris & Romanæ, feminis fœniculi, radicis glycyrrhiz.

Hæc calidissime, licet parcius hausta egregium promittunt levamentum. Calida enim floribus roborata sanguinem in fluore servant & ejus stasim impediunt, unde hæc ipsa præsentissima sunt medicina in ventriculo inflammato ex frigido potu protinus exhibita. Denique nitrosa, quoniam sunt magna antispasmodica, moderata in dosi data in febribus inflammatoriis ardentibus cholericis ipsa peste morbisque retrocedentibus, ictero bile acri caustica egregio sunt auxilio omnibus fere remediis anteponeunda. Hildanus in observ. nitro purificato in decocto hordei exhibito pylori inflammatione laborantes curavit. Si inflammatio ex veneno caustico minerali accidisse videtur, tunc nihil præstantius nihil utilius est lacte cum oleis expressis largius epoto tamdiu donec vomitus desinat. Nulla enim exploratio medicina & præstantius antidotum quam hoc ipsum. Cujus excellentiam cum jam Celsus prædicat, tum Dn. Præses ante aliquot tempus expertus est. Hospes nempe quidam cum loco sacchari ex errore arsenicum admiscuisset juscule, adposito illo convictoribus suis, quorum nonnulli clari & nobiles erant, in ultimum fere illos conjecit periculum. Omnes enim, qui degustaverant offam, statim summa pectoris anxietate angustiis dolore & conatu ad vomendum se correptos sentiebant. Advocatur Dn. Præses & cognita mali causa insignem copiam lactis cum oleo amygdalarum cuiq; ægro exhiberi jubet, idque tamdiu, donec vomitus quiesceret. Vomunt ægri per dimidium diei, quidam vel centies, ingeritur lac tam diu, donec nihil amplius veneni superesse videretur. Hoc modo recreati anceps periculum quod ipsis imminere videbatur, juvante Deo evaserunt. Nonnulli tamen qui justo parcius lac atque oleum potaverant, emollientibus ac oleosis clysteribus adjectis sunt restituti.

Ad

Ad inflammationes præservandas à quacunque causa oriantur, nitrum camphoratum summo est præfidio, vel etiam sequens mixtura. Recipe spiritus nitri vel vitrioli dulcis spiritus C. C. volatil. essentiæ castor. āā drach. j. m. dos. guttæ 20 vel 30. Hæc tinctura valde est antispasmodica & in morbis malignis & quando exanthemata recedunt, vel podagra regreditur magna ex parte implet curationem. Externis quoque remediis subveniendum nostro adfectui. Quo nomine juvat commendare linimentum nervinum ex spir. vini camphorato oleo nucist. croco castoreo & nitro volatili compositum, vel balsamum nostrū vitæ cum camphora mixtum. Hæc ventri imposita non mediocre adferunt auxilium. Parari etiam potest epithe- ma utile ex absynthio, menth. floribus sambuci, rosar. rubr. chamomill. vulgaris, lavendulæ, semine fœniculi, carvi ani- si & aceto rosaceo, quod calide ventriculo admotum egre- gie stagnationes discutit. Requiritur porro quies corpo- ris & animi & moderatus calor, victusque tenuis ac mollis. Abstinentium à carnibus, vino vinique spiritu, & circum- cidendus acidorum usus. Potui inservire potest C. C. cum hordeo decoctum. Meliora vero frigidis sunt calida. Quando extrema frigent tunc calore atque frictione pro- be sunt fovendi pedes & in calidam aquam immittendi. Hæc ubi recte observantur, multa sane præstare possunt, licet nec negandum, hunc ipsum adfectum si natura im- becillior, acutiorque morbus simul adsit, raro medicinæ viribus exuperari.

F I N I S.

Nobi-

Nobilissimo atque Doctissimo DN.

CANDIDATO,

S. P. D.

FRIDERICVS HOFFMANNVS, Præses.

A Sculapio Parenti medicinæ baculum nodosum veterum industria attribuit, non alia ex ratione, quam ut artis hujus difficultas inde adpareret. Si quid enim est, quod plurimo labore plurima industria adquiri debet, certe medica scientia est acquirenda. Quo magis adnitendum est iis, qui se huic consecrarunt, ut non promptum ingenium solum, sed singularem etiam industriam ad hanc ipsam adferant. His enim exornati dotibus si artis nostræ sacra accesserint, cum felici sane successu illi operari & digna præmia laborum expectare possunt. Quod quidem Tibi etiam, Vir Nobilissime, divino munere abunde contigisse videtur, dum post expletos studiorum labores exoptatos tandem honores capeffis. Tu, postquam sapientiæ præceptis Te formandum atque poliendum tradidisti, in studio medico non minori studio industriaque ita decurristi, ut jam metam atque præmia cum acclamatione omnium adipiscaris. Gratulor Tibi inde, Vir Nobilissime, Deumque precor, ut hæc bona, quæ in Te contulit ejus benignitas, ad sui gloriam proximique provehat emolumentum. Vale!

Halæ IV. Id. Decembr. MDCCVI.

